


入學圖說

全



入學圖說序

洪武庚午秋謫在金馬郡有一二初學輩來讀庸學二書者語之諄復尚不能通曉乃本周子之圖叅章句之說作圖以示又取先賢格言以釋其意者因有所問又隨而答之仍記其問答之言以附其後名之曰入學圖說旁取他經凡可作圖者皆圖之往々各附臆見之說欲就正於先生長者鄉無先進身拘謫籍姑待後日而已觀者幸恕其妄而教之是所望也是歲良月初吉永嘉後學權近謹題

入學圖說

人學圖籍

所吉本嘉對學館立館照

諸故制於日而日歸昔幸於其委而卷之長而望少長而身月  
之卦之春則鄭氏一信得孫王外史主其香雅無其書其師歸  
之吉之則其對亦之曰人學圖籍受項出於此下於圖籍省備  
原其變計言以辭其會未因節而問又對而答之於其開卷  
之書則尚不給應其本問七之圖籍章位之精則備以書其  
按存東平好歸其金其後其一之時其章卷其其章二書其書

人學圖籍

入學圖說前集目錄

天人心性合一之圖

天人心性分釋之圖

大學指掌之圖

大學立傳變文以分知行本末厚薄三節辨議

中庸首章分釋之圖

中庸分節辨議

諸侯昭穆五廟都宮之圖

時祿之圖

一室之圖

語孟大旨

五經體用合一之圖

五經各分體用之圖

河圖五行相生之圖

洛書五行相剋之圖

先天方位圖

先天方位方圖

伏羲先天八卦

文王後天方位

陰陽六九為老之圖

天地生成之數

河圖中宮之數

洪範九疇天人合一圖上

洪範九疇天人合一圖下

無逸之圖

八學圖說後集目錄

十二月卦之圖

周天三辰之圖

一期生閏之圖

天地豎看之圖

天地橫看之圖

望前生明之圖

望後生魄之圖

土圭測影之圖

土旺四季之圖

律呂隔八相生之圖

五聲八音之圖

周南篇次之圖

變風十三國之圖

公族及太宗之圖


掛勅過揀之法

三峯先生心氣理篇

心問

天答

# 天人合一之圖



朱子曰天以陰陽五行化生萬物氣以成形而理亦賦焉今本之作此圖

右圖謹依周子太極圖及朱子中庸章句之說就人心性上以明理氣善惡之殊以示學者故不及萬物化生之象然人物之生其理則同而氣有通塞偏正之異得其正且通者為人得其偏且塞者為物即此圖而觀則誠字一圈得最正最通而為聖人敬字一圈得正且通者而為衆人欲字一圈得偏且塞者而為物其下者得其充偏

塞而為草木者是則萬物化生之要亦具於其中矣夫天地之化生生不窮往者息而來者人歟草木千形萬狀各正性命者皆自一太極中流出故萬物各具一理萬理同出一源一草一木各一太極而天下無性外之物故中庸言能盡其性則能盡人之性能盡物之性而可以贊

天地之化育嗚呼至哉

# 天人心性分釋之圖

## 天為一大

一者

以理言則無對  
以行言則無息

大者

以體言則無外  
以化言則無窮

萬化之源

萬殊之本

誠

高高在上日監在兹

畏天之威于時保之

敬

合 天 人 而 一 之

理

惡

善

人

人者仁也。仁則天地所以生物之理。而人得以生而為心者也。故人為萬物之靈。仁為衆善之長。合而言之道也。聖人至誠道與天同。君子能敬以脩其道。衆人以欲而迷。惟惡之從。故人者其理一而所稟之質所行之事有善惡之不同。故其為字歧而二之。以示戒焉。人能體仁以全心德。使其生理常存而不失。然後可無愧於為人之名。而其效必能得壽。不然則生理喪而非人矣。故孔子曰。仁者壽。又曰。人之生也直。罔之生也幸而免。

理之源

氣之源

微道見故微情



情無有不善

性

心敬

意幾善惡

危  
亡  
欲  
入  
心  
中  
意

心者人所得乎天而主乎身理氣妙合虛靈洞澈以為神明之舍而統性情所謂明德而具眾理應萬事者也氣稟所拘物欲所蔽其用之發有時而昏學者要當敬以直內去其昏而復其明也其字形方者象居中方寸之地也其中一點象性理之源也至圓至正無所偏倚心之體也其

下四者象其中虛惟虛故具衆理也其首之尖自上而下者象氣之源所以妙合而成心者也其尾之銳自下而上者心於五行屬火象火之炎上也故能光明發動以應萬事也其右一點象性發為情心之用也其左一點象心發為意亦心之用也其體則一而用則有二其發原於性命者謂之道心而屬乎情其初無有不善其端微而難見故曰道心惟微必當主敬以擴充之其生於形氣者謂之人心而屬乎意其幾有善有惡其勢危而欲墜故曰人心惟危尤必當主敬以克治之遏人欲之萌充天理之正當使道心為主而人心聽命然後危者安微者著動靜云為自無差謬而聖賢同歸參贊天地亦可以馴致矣不然則人欲日長天理日消此心之用不過情欲利害之事雖有人形其遠禽獸不遠矣可不敬哉

# 性

性者天所命而人所受其生之理具於吾心者也故其為字從心從生人與萬物其理則同而氣質之稟有不同者焉告子曰生之謂性韓子曰與生俱生釋氏曰作用是性皆以氣言而遺其理者也中庸曰天命之謂性孟子曰盡其心者知其性也知其性則知天矣

右畱為初學者設故其訓天人心性之意分釋點畫至為破碎自當得罪於先生長者然初學觀之一見可知其大旨也若其義意皆本程朱格言非愚臆說也至於敬心不言存養者初學之士要令於動處下工夫也然存養豈在敬之外乎同志君子詳加繩墨

以惠學者幸甚幸甚

學者問曰子為合一圖自謂謹依周子之圖然周圖有所謂無極者而此則無之何也曰無極者指言太極居中之理非大極之上別有所謂無極也則此圖之中天字一圈是也曰易言乾之四德元亨利貞而已子乃益之以誠何也曰維天之命於穆不已四德流行循環終始而未嘗有一息之停者以其有此理之實而已故中庸曰誠者天之道也蓋言四德循環之實爾非四德之外又有所謂誠也故周子已嘗合而言之以配五常之信非愚敢以妄意而益之也曰其以命為理之源而加於性上何也曰中庸曰天命之謂性朱子釋之以為天以陰陽五行化生萬物氣以成形而理亦賦焉猶命令也則所謂命者人物始生之初天所賦與之理在乎陰陽之中而不雜乎陰陽以為性

理之源者也。成湯所謂降衷，恒性伊尹所謂天之明命，劉子所謂天地之中，孔子所謂繼善成性者，皆是也。中庸之言，蓋本於此純粹至善萬理咸備。天未始不為人人未始不為天者也。曰上天之載，無聲無臭，故周圓其象而虛其中，而又以無極名之矣。今子既書天字足矣，又書四德而益以誠與命之名焉，何其名義之多而不能極其一本之妙乎？曰天之為天，漠然雖無聲臭之可言，然其所以為造化之樞紐，萬物之根柢者，宣無所自而然者乎？渾然一理流行不息，二氣五行四時百物莫不於是而出焉。故元之理為春之生物而於人為仁，亨之理為夏之長物而於人為禮，利之理為秋之成物而於人為義，貞之理為冬之固物而於人為智。而此四德皆是一元之流行，故元包四德而仁統五常者也。語其循環之實者，則曰誠而為人之

信語其賦與於物者則曰命而為人之性是其名義雖多而各有收當皆自其渾然者而流出亦何害其一本之妙哉況此圖也但為初學者設若不如是而直謂之天則或意其冥漠空虛都無主宰而不知其為萬理之源或拘於蒼茫遍覆以行氣化而不知其有一本之妙且又不知吾之所以為性者其源皆出於天其理皆備於我而或溺於佛氏之空揚氏之混矣曰周圖陽儀居左陰儀居右陰陽方位各得其正今子此圖陽居於右陰居於左以右為東以左為西何也曰周圖我為主而對圖則我在北而圖在南故左為東而陽儀居之右為西而陰儀居之此則圖為主而我觀之則圖在北而我在南故東為右而西為左但有賓主待對之異而已陰陽方位未嘗易也曰周圖以水火金木皆在二儀之下而土居其中今子此圖水入陰中

之陽根火在陽中之陰根而又分土為二夾於四行之間  
何也曰周圖雖列五行於二儀之下然其言曰五行一陰  
陽也則陰陽不在五行之外觀者或不察焉夫水居子位  
而陽生於子則水者陰之極而陽已生即陰中之陽也故  
入陰中而居陽根火居午位而陰生於午則火者陽之盛  
而陰已萌即陽中之陰也故在陽中而居陰根木陽稚而  
純乎陽故居東金陰稚而純乎陰故居西若夫土則無定  
位而寄旺於四行故可分而二之以夾於其間也然小其  
圈不與四行同大者亦以見其居中之躰隱然自與四行  
同大而寄旺於他者其端交見於彼此故不得與之相並  
也而况天命之理賦於其中者既主於內則又安得以土  
而奪之哉故其勢亦不得不分也曰人物之生必得二氣  
之聚以成其形質今予以氣與質分於左右則是氣質判

為二物若無以見其聚而成形者何也曰物之成形良由  
二氣之聚固不可以分也然揆厥初元則形生於陰神發  
於陽亦不容無辨矣今分左右固非以是判為二物也要  
使學者分陰分陽曉然知其所由來爾故氣雖居右而質  
具於中質雖居左而氣行於內則亦未嘗不合而為一也  
且其既分而復合之後又皆以氣為外者亦以見其氣寓  
於質而發揚於外也曰心之虛靈具衆理而應萬事其以  
為理與氣合者何也曰理本無為其所以能靈而用之者  
氣也舜之命禹曰人心惟危道心惟微則固以理氣而分  
言之矣夫心之發其幾有善惡之殊若純乎理而不雜乎  
氣則其發安有不善哉又為五臟之一而屬火則其亦稟  
氣而成形者可知矣曰心體本虛而其為知覺者一而已  
矣故其未發也至靜而虛無有名狀之可言及其既發則

於事物之理隨所感觸一以貫之而無所不通今子既以性心情意分其點畫又以五常四端七情二幾各屬其下則名義繁多知覺不一紛擾雜錯而靜虛之體有所不立偏屬固滯而貫通之用有所不周者何也曰心之虛靈知覺則一而已矣然語其虛靈之所以為體則不過五常之性而萬事萬物之理無不統語其知覺之所以為用則不過四端七情之感而萬事萬物之變無不管徒知其為靜虛而不知五常之性為之體則其為心也漠然無物淪於老氏之虛無佛氏之空寂而大本有所不立矣徒知其有知覺而不知四端七情之發其幾有善惡之殊而致察焉則心為物役欲動情勝而達道有所不行矣故必使學者知有是體而存之於至靜之中以守其本然之正知有是用而察之於應物之際以遏其將然之欲然後體用無全

內外交養而學之為道得矣曰古之言性者必曰仁義禮智今則以為仁禮義智者何也曰古之言者以待對之位而互舉之猶曰東西南北也今以健順之屬而分言之猶曰春夏秋冬也曰昔唐韓子原性而本於禮書以喜怒哀樂愛惡欲七者為性發之情程子亦取而言之今子以四端屬乎性發而七情列于心下者何也曰七者之用在人本有當然之則如其發而中節則中庸所謂達道之和豈非性之發者哉然其所發或有不中節者不可直謂之性發而得與四端并列於情中也故列于心下以見其發之有中節不中節者使學者致察焉又况程子之言以為外物觸而動於中其中動而七情出情既熾而其性鑿矣則其不以為性發也審矣曰惻隱辭遜羞惡是非即仁禮義智之端非有二也今子既以四者列於情下又書其端於

外別作一圖何也曰四者之性渾然在中而其用之行隨  
感而動以為惻隱辭遜羞惡是非之心則是心即為四者  
之端誠非二也然發於中者謂之心現於外者謂之端故  
孟子於此凡兩言之或言端或不言端而朱子於言端以  
為猶物在中其端緒見於外則其義愈明而不容無辨矣  
曰人之有身氣以成形者不以聖愚賢否而有異故朱子  
曰人莫不有是形故雖上智不能無人心今子乃於誠字  
一圖專以理而不及乎氣則是聖人無有形氣而本無人  
心者歟曰不然也人物之生同得是氣以成形亦同得是  
理以為性故於太極之下既以氣質而成形於外又以理  
氣而為心於內者是聖愚賢否之所同也若其誠敬欲之  
三圈者但以其生於心作於事者其善惡高下有此三等  
非以聖人之身無有形氣亦無有人心也又其所謂人心

者亦未便是不好人心之得其正即道心之流行也故聖  
人之心純乎天理而無一毫人欲之私者也曰五經語孟  
諸書其讚聖人之德多矣子於誠字圈內言聖人之德他  
無所取但書真宗無妄何也曰聖人之德廣大如天無所  
不備故稱美之辭各極其盛然要其所以如天之宗則至  
誠無息而已故將誠字大書以表之其下若取他說則雖  
極稱美之辭或有所未備學者又以為不可幾及而趨向  
之心怠矣故但用真宗無妄以釋誠字言雖至近而廣大  
如天之德無所不在其中且使學者觀之亦不以為甚高  
難行而思誠之學希聖之功庶可以自勉矣  
曰周子圖書云君子修之吉小人悖之凶今子本之既於  
敬字言君子修之矣其於欲字不曰小人而曰衆人何也  
曰人雖不肖皆自以為賢智而不自知其所行之為小人


若曰小人則觀者以自暴自棄為他人之事而不自省矣  
故直書曰衆人然後人人觀者各自省勵而有所感發矣  
曰子為此圖敢欲竊比於濂溪周子歟曰惡是何言也濂  
溪之圖精深廣大備極無餘初學之士所不及知朱子中  
庸章句之說明白簡切學者又不能察此乃義理之根本  
於此有所不知則所學皆苟而其失甚遠矣故本之以濂  
溪之圖參之以朱子之說作為此圖以示學者使其入學  
知所向方而已何敢望於先哲哉曰其訓天人心性之意  
分破點畫若是其穿鑿者何所据乎曰是其破碎穿鑿之  
罪自知其無所逃避但使初學樂觀而易知其意爾然古  
人製字亦有會意者如所謂一大為天土也為地之類是  
也有象形者如山如鼎之類是也訓意有分字者如所謂  
中心為忠如心為恕之類是也苟於大義無甚悖謬則取

其大而恕其小可也

大學指掌之圖

# 大學之圖

節目之詳八條



愚按大學一書綱領備而節目詳文簡而易知理切而易明為學之序用力之方至為精密在初學者尤為當務之急然初學之士其於体用

知行功效多不能察語之

雖勤識之不

使之先觀一經全体瞭然在目

然後即是書而

而自知其節次矣苟能

常自在之潛心

一部大學在胸中矣

學者問曰先賢董公嘗以大學經中自知止而後有定至則近道矣兩節為格物致知之傳黃氏亦取之矣是果能得朱子之所未得者歟曰愚嘗觀此服其用意之深而所見之卓服膺不忘蓋亦有年以今考之有未安者夫所謂知止者物格知至以後之效而格物致知者大學最初用力之地也諸傳自誠意章而下皆以工夫而言不應於此遽先以效言之也所謂能得者明明德新民皆得所止之

事不應遽及於致知之傳也且以此節為致知之傳則聽訟章又無所着落矣朱子於此豈不處之審哉但所謂格物為窮理之事而非扞格外物者則不必證以他書而於此節文勢可尋而知之矣既曰物有本末事有終始知所先後則近道矣又曰致知在格物則物非外物格非扞格而與致知非為兩事者意甚明白其傳雖闕而於經文自有上文語緒之可尋者矣曰子以知止為物格知至以後之效不應先言於用力之初者似矣然以傳之結語考之則曰此謂知之至也則其上闕文必以知至之效言者也此節於經亦在八目工夫之前其序不亦舛乎曰傳之結語以效而言則其上闕文必是知至之效然必先言其功而後及其效有如補傳之意矣不應不言其功而遽及其效故雖將此節為傳知止之上又當別有闕文也此節於

經雖在八目之前是乃承章首綱領之工夫而言知止之效以言明明德新民得止於至善也故經一章以工夫功效相間言之三綱領以功言而此節以效言物有本末一節兼功效而結之八目前一節以功言而後一節以效言自天子一節以功結之而本乳一節以效而反結之以是而觀則知止一節雖在八目工夫之前其立言自有序矣且三綱領明德雖重而止至善亦其體要也八目釋明德新民而無此一節則至善雖無二者無所不在亦不容無一言以釋之也若循綱領三言之序置釋至善之語於八目之後則是止至善若在乎天下之後而別為一事也故宜繼綱領而言之於八目之前夫言其功則先分本末而後及其體要言其效則專提體要而無統其本末其立言亦可謂有法矣

大學立傳廢文以分知行本末厚薄三節辨議

誠意章獨作一傳

上不連致知者所以分知行下不接正心者以其自脩之首其功不止於正心先賢已有明辨矣

脩身齊家章之結語不曰齊其家在脩其身而廢文曰身不脩不可以齊其家

愚按此承經文結語而分本末也經曰自天子以至於庶人壹是皆以脩身為本其本亂而末治者否矣故傳承之曰此謂身不脩不可以齊其家

齊家治國章之發端不曰治國在齊其家而廢文曰治國必先齊其家者其家不可教而能教人者無之

愚按此亦承經文結語而分厚薄也經曰其所厚者薄而所薄者厚未之有也故傳承之曰所謂治國必先齊其家

者其家不可教而能教人者無之此兩節必承經文結語而觀之則傳者立文之意可見矣

此節

當為

第二

學者問曰誠意章自作一傳以分知行其於本末厚薄不別為傳而變文見意何也曰知行二者如車兩輪學者所當交致其力而并進者也分明是兩件工夫也若夫本末雖有體用之殊而舉而措之實一物也厚薄雖有親疎之別而推以及之實一事也曰齊家治國章言孝悌慈而其下引康誥之文但以慈幼而結之何也曰此以最切而要者言之也以家言之則孝悌或有不謹而慈幼之心無不切先賢已嘗言之矣以國言之則事君事長皆知所謹而使衆之道多所忽苟能以慈幼之心而觸孝弟則孝弟無不至矣以慈幼之心而推使衆則使衆知所謹矣

此節

曰子引經文以證傳八十一章變文之意以為分本末厚薄

之問

當為

第二

者似矣然即本傳觀之則八章上文既言親愛等之辭又引諺莫知子惡之言故其結語曰此謂身不修不可以齊其家者是承其傳上文語緒而然不必遠承經文以為傳之結語也九章發端之言亦承八章結語亦不是遠承經文也今子之言無乃附會之甚耶曰子即本傳文勢而言者可謂切矣然第七章言正心修身亦言忿懣等之不得其正及心不在焉之病而其結語不曰心不正不可以修其身直曰修身在正其心蓋此二章立文命意大抵相似而獨其結語不同豈無意乎夫經既陳八目而又提身與家以結之者身為明德之極而天下之本家為新民之始而天下之則故也傳者於此豈不致意哉

曰此書之作朱子於序以為孔子誦而傳之曾子作為傳義於經之後言蓋不敢質為夫子之言其傳則曾子之意

而門人記之其言先後不同何也曰朱子以經之言非聖人不能及故以為夫子之言又無左驗或疑古昔先民之言故疑之而不敢質愚則妄謂夫子傷時之嘆屢稱古以言之如曰古之學者為己古之愚也直古者言之不出之類是也此經亦曰古之欲明明德於天下言古以嘆今之不然夫子之前未有聖人不得位者則言古嘆今正吾夫子之事是足為證以為孔子之言也其傳十章所引詩書之文及立傳釋經之意皆曾子平日嘗以語門人之言但其傳文有稱曾子曰者則非曾子之手筆也故以為門人記之雖門人記之非其自言則是猶曾子作之也諸傳既皆曾子之言獨於十目一節特加曾子曰者諸傳皆是直釋經文之意而已唯此一節曾子因慎獨之言而特發本章言外之意以警門人故門人亦特稱曾子曰以表之以

為千萬世學者之警策至今讀之竦然自有惶愧處其與  
中庸莫現莫顯之意互相發明此乃子思有得於曾子者  
學者所當體念而深省者也

中庸首章分釋之圖

天命○道○道不可須臾離○

性  
性之理  
人物同

教

三者皆  
本於天

暫時之頃  
道無不在○

戒慎不睹  
恐懼不聞

存養

敬  
○  
常存敬畏

靜時天○

動時天○

莫見乎隱  
莫顯乎微

省察

道無不在  
獨知之地

教○存天理性○

心之體也  
理之所存

功  
存養  
體立○之事

效○

未發之中  
天下大本

中  
吾之  
心正

天地位

天地之  
心亦正

致○教

和  
吾之  
氣順

萬物育

天地之  
氣亦順

心之用也  
氣之所行

用行○省察  
功之事

效○

教○過人欲道○

愚按中庸傳道之書教者之事而學在其中道本乎天而  
備於我之所受教脩乎道而因其我之所有故章首備舉  
命性道教而歷言之然後單提道字以明道體無所不在  
雖不睹不聞暫時之頃幽隱細微獨知之地皆此道之所  
存而不可忽之意而言君子存養省察之學所以教學者  
戒悞而存天理以致其中謹獨而遏人欲以致其和不使  
湏臾之或離也故此章大旨道無不包而教行乎其間教  
之所行即學之所在也學者苟能因是教而致其為學之  
功則教將由我而位育之極效庶可以馴致矣  
學者問曰朱子章句於戒懼慎獨兩節但言君子敬謹之  
心而不以教言今子之圖無以教言者得無贅乎曰章句  
直釋本文其言簡切雖不及言乃於或問中言之曰以明  
由教而入者其始當如此學者或不之察故愚敢揭而示

之也此書傳道之書首以教言故凡言學者之事無非所以教也且慎獨大學亦言之學者事也故特加必字於上以戒之也中庸直言君子之事以教之故不言必立言下字其不苟也如此哉  
曰章句以中和為性情之德今子以和為道而不言情又以為心之用氣之所行何也曰中和固性情之德也今以和為道者本其所謂達道而言以明章首性道教之所包也其又以為心之用氣之行者所以分心之體用而明章句心正氣順體立用行之意也名雖異而實非有二也

## 中庸分節辨議

○朱子分為四大節

自首章至索隱章為第一節

已上皆論中庸以釋首章之義

自費隱章至哀公問政章為第二節

已上皆言費隱小大

自誠明章至三十二章為第三節

已上皆言天道人道

卒章自為第四節

復自下學立心之初推之以至於極

○饒氏分為六節

首章自為第一節

自第二章至十一章為第二節

自費隱章至十九章為第三節

言費隱小大至此章武王周公而住

自哀公問政章至至誠無息章為第四節

言天道人道自哀公章而始至此至誠無息章而住

自大哉聖人之道章至三十二章為第五節

自大哉聖人章分言大德小德至三十二章而住番陽李氏以為自大哉聖人章至三十二章以至德至道分言之

卒章為第六節

○愚則妄謂總論大旨為三節細分為五節

首章言命性道教其下十章皆言中庸以智仁勇為學之事推之極於遯世不悔之聖以孔子之事終之為第一節

費隱章承上章君子依乎中庸以言君子之道

其下由庸言庸行推之自身而家而國而天下至於九經之目以孔子之政終之為第二節

右二節由命性道教而推之以道言學者之功為多焉然

首章言中和由體而達用十二章言費隱由用而明體前

節則主言君子擇守之學後節則主言君子施措之事兩節之首皆提起君子言之是二節皆言君子之道故其大旨一也

二十一章言誠明性教而其下分言天道人道

至二十六章而極於純亦不已之天

二十七章承上章文王之德而言大哉聖人之道

至三十二章而極於浩浩其天之德

右二節由誠明性教而推之以德言聖人之事為多焉然自二十二章至二十六章言天道章必言至誠言人道章必言誠字故饒氏李氏皆以為言天道人道至二十六章而住自大哉聖人之道章以下饒氏以為言小德大德李氏以為大德小德始現於仲尼章不應先言於此當以此章至德至道分言之愚則妄謂十二章言費隱無小大其

下三章言費之小鬼神章兼費隱包小大又其下三章言費之大以此例之則大哉聖人之道章言至德至道而包大小於其前故愚好自用章及三重章言道之小而德在其中仲尼章兼包道德大小而言其下至聖至誠二章言德之大而包道在其中也又此兩節皆言聖人之德故前節之首言誠後節之首言聖人其大旨一也

### 卒章自為第五節

學者問曰中庸一書朱子分為四節饒氏分為六節今子以為總論大旨則為三節而細分為五其詳可得聞乎曰愚非敢僭為他說以求異於先哲也但合二說後其尤長者甫故自首章至十一章為第一節自費隱章至哀公問政章為第二節而誠明章為第三節之首者當從朱子其論天道人道至二十六章而住大哉聖人之道章別為一

節之首者當從饒氏既已僭著其說於前矣竊意前二節以道言而皆極於孔子之聖君子之宗學也故皆以其踐履而推行者言之故學者之功為多焉後二節以德言而必極於聖人之天盛德之極致也故皆以其充積而著現者言之聖人之事為多焉言道則必極於聖言德則必極於天故第一節言中庸而以智仁勇推之極於邈世不悔之聖孔子之事也第二節言費隱而以庸言庸行推之至於九經之目孔子之政也言道而至於孔子則君子之學無以復加矣第三節言誠明而以天道人道推之極於純亦不已之天聖人與天同德也第四節言至德至道而以小大推之極於浩浩其天之德聖人與天無間也言德而至於天聖人之德無以復加矣由是而觀則自首章至三十二章總論大旨則不過言道言德而細論立言之序則

當分為四節者甚曉然矣饒氏以為言誠而分天道人道  
自哀公問政章始自當為論誠諸章之首似亦得矣然章  
句所謂引孔子之言以繼大舜文武周公之緒明其所傳  
之一致者誠為確論中庸以天與孔子作模範故終始言  
天亦終始言仲尼今言舜文武周公而不以孔子繼之則  
非子思子終始標仲尼之意矣以此書後章祖述憲章之  
言及語孟之終歷叙堯舜禹湯文武而必繼以孔子者觀  
之可見矣況此書每節更端之言皆是子思子之自言其  
下乃引孔子之言不應中間一節獨用孔子之語以更端  
也饒氏以為語意更端者何哉且言誠而分天道人道雖  
自此章而始然誠明章乃承此章夫子之意而立言以更  
端故又無以天道人道而言其下諸章始分而言之若以  
哀公問政為更端之首則次章當言天道又其次章當言


人道不必再無舉而疊言之然後分而言之也大抵此書  
每節雖是更端然亦必承前章而立言故第一節終以君  
子而第二節承之首言君子之道第三節終以文王而第  
四節承之首言聖人之道則第二節之終言誠而分天道  
人道第三節承之首言誠明而無天道人道者又何疑哉  
必若區分不相交涉則言誠始見於鬼神章智仁勇始見  
於第一節而詳於哀公問政又將何以分屬歟但謂言天  
道人道至二十六章而住自大哉聖人之道章別為一節  
誠為朱子忠臣矣至以大德小德分言者李氏非之而以  
至德至道言之然饒氏以小大言者得之而以為小德大  
德則未安李氏以至德至道言者得之而遺其小大則未  
備故又必合二說而言之然後其意始備矣後生末學妄  
議先賢狂僭之罪無所逃避然饒氏嘗為朱子忠臣故愚

亦願為饒氏之忠臣幸諸同志恕其罪而教其不逮可也  
曰子以首章命性道教為前二節之首二十一章誠明性  
教為後二節之首所言比類可謂似矣然首章一篇之體  
要其意當不止於第一節而已也故饒氏別為第一大節  
以視其無所不包之意今予不之從而但為第一節之首  
者何也曰首章之意雖無所不包然其下十章皆論中庸  
以釋首章之意至費隱章又別更端則不得不以首章冠  
於其下十章也若分首章以為一節以第二章又為一節  
之首則非每節子思子自言更端之例也又不可以釋首  
章之意者自別為首也且首章雖為此節之首其意亦無  
所不包猶大學明明德雖并列為三綱而無所不統也曰  
第一節言中庸以德行言第二節以庸德推之則前二節  
似以德言第三節言至誠之道第四節言大哉聖人之道


則後二節似以道言且以苟不至德至道不凝之言觀之  
則修德而後凝道也今子乃謂前二節言道後二節言德  
何也曰德者得於本然之體而道則當行之用德者得於  
踐履之窠而道則所履之事也前二節言道而必以德先  
之者所以明由其有是德而後有是道也後二節言德而  
必以道言之者明由其有是道而知有是德也若以學者  
言之則入道而後積德造道而後成德也以成德言則有  
是至德故能凝是至道也前二節多主學者言故以道言  
後二節多主聖人言故以德言此書大旨始由躰而達用  
終由用而歸體故前則言德而明其道後則言道而明其  
德卒章又總一篇大旨而歷言之故始言入德中言為學  
之道終之以不顯之德其立言之序亦可見矣然章句以  
為至誠之道非至聖不能知至聖之德非至誠不能為實

非有二物也可謂盡矣

諸侯昭穆五廟都宮之圖




此六世之君南主祭之廟




此七世之君主祭之南廟餘皆以此遷

# 時裕之圖



此六世之君主祭之裕



此七世之君主祭之裕

一室之圖

北

西

東

無  
回  
州  
與

牖

戶

南

廟皆南向  
而主必東  
向者主居  
於與故也

愚按昭穆之說朱子於或問論之詳矣學者猶不能察故  
為此圖以示大略若夫廟背南向而主必東向者學者又  
不能知其義故今僭為一室圖以附焉

二世之桃梨當藏於東夾室而或問以為藏於西夾  
室蓋東尊而在太祖之前故避而藏於太祖之後歟  
雖在西夾亦當以昭穆陳之

學者問曰自古聖人制為宗廟祭祀之禮以序昭穆非無  
饗之者而苟為是禮也此書言大舜武王之孝皆曰宗廟  
饗之亦非無饗之者而苟為是言也朱子於十六十七二  
章或問深非不亡者存之語以為非吾儒之所宜言是則  
既死之後陰陽氣散精神魂魄無有存者然則所謂祭而  
饗之者何物也曰難言也人物之生其始也氣聚而成形  
其終也氣散而形潰人與禽獸草木皆一也天地之化往

者息來者繼非將既反之氣復為方伸之氣故及其終也  
陰陽既判魄升魄降則其氣皆散無復有物非有精魄滯  
而不化在於冥漠之中有如老氏之所謂不亡者也然是  
氣也雖在天地亦皆本於祖父之身而傳在於我則祖父  
雖已往而其氣之在我者未嘗息也猶草木之宗全得其  
氣故雖其根株枯朽漸盡而其宗之種各以類而生成自  
其根株至其宗之種而生者其氣未嘗絕也若其宗之腐  
敗則氣已絕而復不生矣故人以無後為大者祖父之氣  
自是而絕不復能祀故也吾身之氣即祖父之氣故吾致  
誠敬以祭之則神交氣感而斯有饗之者也氣之所存即  
神之所存誠之所至即神之所至所謂有其誠則有其神  
無其誠則無其神者此也意者古人尸必以孫者亦以其  
氣之所存而感之易欤傳曰神不歆非其類者蓋祭他人

則自與吾身之氣不相干故神不感之也是則祖父之神  
不在外而在我之身則体物而不可遺者可知而所以持  
其身者不容於不謹報其身者不容於不誠矣吾能報本  
而自能受福者亦猶草木培養根本而花果繁茂也然吾  
身之位有高下則氣之所及有廣狹故天子然後祭天地  
諸侯然後祭山川大夫祭三代適士祭二廟而庶人只祭  
其父聃人之制尚何疑乎曰古之書傳言鬼恠之事有如  
伯有之為者多矣子產因有用物精多是以有精爽至於  
神明之說是皆不足信欤曰是亦氣之聚者也氣之聚  
者厚則散之者遲亦不可謂無是理也且其言曰用物也  
弘聚精也多曰其族之大所憑厚矣則其氣所憑而存者  
亦可見矣豈徒滯於冥漠亦豈憑於非類哉若其癡恠之  
或有者皆其氣之不得其正者庸非鬼神之常理也終亦


必無而已矣

## 語孟大旨

愚按論語之書敦乎仁渾然如春天孟子之書嚴於義凜然如秋氣蓋如孔子荅齊景公之言曰君君臣臣父父子子但言理之當然者爾然其循理之利不循理之害隱然自現於言外孟子之告梁惠王曰亦有仁義而已矣何必曰利而推其求利之害至於上下交征利而國危矣則已足矣又推其害至於不奪不厭之言而後已也一節深一節盡言無餘讀之凜然有不可犯者其他立言皆倣此云

## 五經體用合一之圖

# 易全體也



愚按易五經之全體也春秋五經之大用也書以道政事詩以言性情禮以謹節文雖各專其一事而易春秋之体用亦各無所不備焉嗚呼大哉聖人五經之全體而五經聖人之大用也易者道在天地而聖人体之春秋者道在聖人而天地不能遠者也故河出圖而易畫春秋作而麟至也

五經各分體用之圖

易

全體

理

在天  
地者

大用

道

在聖  
人者

禮

全體

毋不敬

大用

賢者不敢過  
不肖者企而及

書

全體

欽

聖人敬  
天之心

大用

中

聖人經  
世之法

春秋

全體

道

本乎天  
地之理

大用

權

行於聖  
人之心

詩


全體

思無邪


大用

感發善心  
懲創逸志

上叙天時




下書王月



愚按聖人作春秋上叙天時下書王月其立文連書曰春  
王正月傳者以為以夏時冠周月學者不察或疑以冬為  
春或疑改易正朔論說紛紜莫之能定是蓋豎看合春與  
王正而言之故也橫看則上叙天時者所以行夏之時垂  
後法也下書王月者所以紀周之正尊時王也天時非王  
之所能先故可叙於其上也王月非已之所能改故必書  
於其下也一以天時而定王制以立萬世之法一以王月  
而正人倫以示一統之大二義并行而不相悖者也若夫  
書王月而易數者豳風之詩已有一之日二之日之說亦  
非夫子始易之也

# 河圖五行相生之圖




右河圖之數五行生數統  
 其成數而各居其方左旋  
 相生故水居北而生木木  
 居東而生火火居南而生  
 土土居中而生金金居西  
 而生水水又生木循環無  
 窮而造化行矣

# 洛書五行相剋之圖



右洛書之數陽居其正陰居其偏故一居正北而統西北之六者水也三居正東而統東北之八者木也二居西南而連正西之七者火也四居東南而連正南之九者金也水木陽故不爻火金陰故爻若夫土居中而無十者縱橫十數夾以成之也是其方位右旋相剋故水克火火克金金克木木克土土克水水又克火

# 大極生兩儀四象八卦之圖




右於八卦之上各加一陽一陰而生四畫者凡十六  
之上各加一陽一陰而生五畫者凡三十二三十二之上  
各加一陽一陰而生六畫者凡六十四而成外卦也故八  
卦之上各加八卦乾之上加乾兌巽坎艮坤而成乾  
夬大有大壯小畜需大畜泰等卦自兌以下皆倣此無非  
以一陽一陰而交錯也

# 先天方位圓圖



圓者動而為天流行之象也

先天方位圖




右先天圓方二圖圓者動而天也方者靜而地也圓者陽  
生於子半之復而極午之乾陰萌於午半之姤而盡於子  
之坤离盡卯中坎盡酉中陽在東南陰在西北方者乾始  
於西北坤盡於東南其陽在西北其陰在東南地之勢西  
北高東南下也

右圖以卦畫為圖學者見之不能知也今以卦名書而為  
圖則八卦之上各加八卦者一見可知矣


# 伏羲先天八卦

天地之定位



# 文王後天方位

造化之流行



先天天  
理未露  
聖人開  
之後天  
天理已  
露聖人  
用之故  
後天方  
位八用  
之數也


先天方位乾南坤北离東坎西則天南地北日東月西也  
兌居東南澤也震居東北雷也巽居西南為風艮居西北  
為山數往者順知來者逆自震歷离兌而至乾其數四三  
二一是數已往者也如人已往後後追之故為順自巽歷  
坎艮而至坤其數五七八是知將來者也如人來至而  
迎之故為逆易之生卦乾一兌二离三震四巽五坎六艮  
七坤八為次故易皆逆數也

後天方位坎居北為水震居東為木离居南為火兌居西  
為金艮土夾東北之水木坤土夾南西之火金而寄旺焉  
乾居西北而統始終而復始乾行也巽居東南而鼓動焉  
所以長之也故先天天地之定位後天造化之流行也  
然先天陽動東北而盛於南陰生西南而盡於北亦流行  
之象也後天水北火南木東金西亦待對之位也或曰說

卦以為成言乎艮者萬物所成終而成始也今子以為乾  
統終始無乃戾於聖言歟曰說卦之言主生物之方位而  
言也故今以艮為陽中之土而主生物者此也若夫乾天  
也固無所不統而五行生序水為居其先而後生木生火  
生土生金而終焉乾居西北者所以終金而復生水也天  
不生水造化息矣區區妄意如此其餘亦多附會觀者幸  
恕之


陰陽六九為老之圖

天圓分三  
陽奇故各  
一奇而用全



為陽

地方分四陰偶  
故合二為一則  
言天圓而地方圓者經一而  
方為二偶而用半  
圓三三各一奇故三用其全



為陰

說卦傳曰參天兩地而倚數  
參其天而為三三三為九老  
陽數也方者徑一而圓四四  
合為二偶故四用其半兩其  
地而為二二二為六老陰數  
也數皆倚此而起故揲著之  
策三變之末餘三奇則三三  
而九為老陽餘三偶則三二  
而六為老陰兩二一三則七  
而為小陽兩三一二則八而  
為小陰

# 天地生成之數

陽左

陰右

一 二 三 四 五 六 七 八 九 十

五生數

二四陽  
中之陰

五成數

七九陰  
中之陽

積生數之陽一三五為九老陽

積生數之陰二四為六老陰

積一三四為八陽多陰少為少陰

積一二四為七陰多陽少為少陽

陽居左而無陰故自一至七為少

陽至九為老陽陽饒故自左進而

極於九

陰居右而不得無陽故自十至八

為少陰至六為老陰陰乏故自右

退而窮於六

陽自左而右陰自右而左者觀朝

夕之影亦可見矣

# 河圖中宮之數

以五與十分為陰陽

得九為老陽  
餘六為老陰



得七為少陽  
餘八為少陰


愚按陰陽之數六九為老者參天  
兩地而倚數故揲著之數三變之  
後餘三奇則三三而九餘三偶則  
三二而六者此其本也其數之變  
無所往而不合故先儒之說有以  
生成之數言者則積一三五為九  
積二四為六也有以河圖中宮之  
數言則得九為老陽而餘六為老  
陰也其變雖多而其為數則一故  
無所往而不合是其造化之妙也  
今亦妄謂三其天而得三兩其地  
而得二者倚數之本也然必置三  
者備三才之道故三三而九三二

而六也又陽得以兼陰故陽全用  
三而二三為六三三為九陰不得  
兼陽故陰半用二而二二為四三  
二為六陽居左統生成而兼陰故  
自生數之一至成數之七為小陽  
至成數之九為老陽猶人之數生  
齒齒多者為老也陰居右屬乎左  
而不得兼陽故自十至八為小陰  
至六為老陰猶人之序生齒齒多  
者居先故以十為首而數之也然  
又謂六為老者先生為老六之生  
先於八也

# 洪範九疇天人合一圖上




# 洪範九疇天人合一圖



洪範九疇天人之道備矣五行者天之所以生物之始在  
天道莫大焉故居一而為首既有五行萬物生焉則人者  
萬物之靈而五事人道之本故居二而為次既有人則必  
有所事而八政者事之最急故居三欲脩人事又當騐於  
天道而曆象授時不可緩也故五紀居四順五行敬五事  
厚八政協五紀人君之道備焉故皇極居五而當中皇極  
者緇天道而立人極為四方之標準萬民之取法者也人  
君之治酬酢萬變其用不同而皆歸於中正故三德次皇  
極而居六事之可疑當聽於天故稽疑居七治有得失則  
徵有休咎所當推天而省己故庶徵居八得失休咎之徵  
不惟現於天象而善惡吉凶之應終必及於吾身故福極  
居九而終焉人君治天下之大典未有加於此者也然疇  
雖有九而樞要有三在天惟五行在人惟五事而皇極者

合天人而一之者也五事得而皇極立則五行順而雨暘  
燠寒風之休徵應五事失而皇極不立則五行汨而雨暘  
燠寒風之咎徵應焉是其天人相為流通感應之道可謂  
明矣至於八政五紀三德稽疑福極之用亦皆在乎極之  
立不立爾然則修五事而立皇極者其道何由在乎敬之  
一字而已叙疇聖人以敬加於五事之上所以示萬世人  
主以心法也為人主者可不念哉

# 無逸之圖



無逸一書所以戒人主逸怠也自古有天下國家者莫不由祖宗勤儉以興盛由子孫逸怠以覆亡故周之成王幼冲即位周公恐其逸怠而作是書以戒之首以先知稼穡之艱難為言者周自后稷以農事開國歷世相傳千有餘年至文王之即田功皆以勤儉不怠為家法故能興盛及武王而有天下是即成王之所當先知者也又况稼穡人食之本小民勤於畋畋終歲勞苦以奉君上而人君生長深宮不知其艱不恤其民驕侈淫逸傲然自肆小則損壽以喪身大則亡國而絕祀者世世公患是則萬世人主之所當先知者也故周公首言稼穡之艱難然後舉殷三宗畏天保民而享國之久者所以勸而慕之也次言後王逸豫耽樂而罔或克壽者所以戒而警之也又言大王王季文王者所以法祖宗之勤儉也上畏天命下保小民遠鑑

前古之興亡近法祖宗之勤儉以嗣王之所當体念也周公愛君之心誠且切故告君之言詳且備終之以皇自敬德之一言敬者畏天保民鑑古法祖之要而無逸之寤心也三宗之嚴恭寅畏不敢荒寧大王王季之抑畏文王之懿恭皆此敬也敬則無逸而壽不敬則反是厥後成王為周令王享國三十有七年其有得於周公之訓歟後世人主可不敬哉

入學圖說陽村先生為初學而作也其圖祖瀛溪太極圖其蒙意則本程朱格言而天人心性之馴點畫分釋之精誠初學之指南也至論四書之節次經要五經之全體大用亦可班班易曉寒鄉後進無明師良友以先後之者誠得此而玩心焉其於性命之學可謂思過半矣予於丙子秋來守晉陽因學者見寫本嘆其精到命工繡梓思與諸承學共之於戲初學之士知先生開示之旨而有得焉則今此刊行豈無小補云時洪武三十年丁丑二月初吉嘉善大夫晉陽大都護府使兼管內勸農兵馬團練使金甫音敬跋

右入學圖說前集跋乃觀察金公甫音所著也洪熙乙巳通附後集有卞春亭之跋而公

之跋脫焉今刊闕說于榮郡公乃榮之名考  
而跋其錫類之言也慕其人而惜其言之逸  
豈但鄉情之所獨偏諒亦心性之所同共之  
也因并錄之

丁未重校


# 二十月卦之圖



剝之上九一爻之陽雖極於九月而其餘分至十月小雪而盡又有一分之陽即於此日始生於下浸長而為十一月之復故坤雖純陰未嘗無陽謂十月為陽月者此也

右復姤陰陽出入消長之幾也三峰鄭公嘗在此圖以示學者但以剝之上九餘分之陽自上而下貫穿純坤之下接於復卦初九之陽以示十月雖純陰而未嘗一日無陽之意可謂精矣然學者不察以為陽之初生自上而下又疑純坤之陰非自姤而長者故今為此圖將剝之餘分極於坤上而復之一分即生於下以示陽之方極於上而即生於下亦未嘗一日一刻之無陽也觀者詳之

# 二十月卦之圖



右前十二月  
 卦圖即皇極  
 經世一元消  
 長作一暮為  
 圖而卦畫及  
 圖與易相反  
 初學疑之今  
 依先天圖圖  
 考定如左以  
 備參攷  
 嘉靖丁未臈  
 月日 重校



# 十二卦之圖



右前十二月卦  
即皇極經世一寸  
消長作一替為面  
而卦畫及圖  
相反初學疑之  
右圖內圈  
由太極而生  
加一倍而  
則復之初  
在外剝之上九  
得在內今  
圖面考定如  
剝之餘分之陽盡  
於坤上而復之一  
分之陽即生於下  
以備參究  
嘉靖丁未臘月日  
重校



# 周天三辰之圖



二十八宿環於外者天之體也十二辰次於內者日月所會及地之方也內一輪旋轉者象天之行之又其內一輪象日月之行也此二輪皆以二十八宿環之者使易知其舍次也

天體二十八宿圓周之外各以十三度分為二十八次者月行一日之所次也天行一日一周而進一度日行一日一周而還四次日行一日不及天十三度有奇二十八日歷二十八宿又其明日而後與日會故二十九日有奇而月與日會

昔者聖人南面而理仰觀天文以初昏加午之宿定為中  
星如仲春星鳥之類是也其星日日漸差而西歷三百六  
十五日差晚然後又加於午故以其星一日所次之辰為  
一度以為天有三百六十五度四分度之一天與日月皆  
左旋天一日一周而過一度日行一日適一周而已月行  
一日常不及天十三度十九分度之七故日與天歷三百  
六十五日有奇而一會月與日二十九日有奇而一會假  
如日月與天皆從星紀斗初度而起天行今日左旋一周  
而至二度明日三度又明日四度以次而進日行今日一  
周而還斗初明日亦還斗初歷三百六十五日然後天行  
遍過百六十五度而與日會月行今日不及天十三度  
而退在於牛明日又退於女歷二十九日然後遍過二十  
八宿而還於斗以與日會此其大略也就此晷輪轉而觀

可見至於中星閏餘亦可推矣但天無躰只二十八宿為  
體既謂天一日過一度則斗亦隨天而進又謂日還斗初  
者斗星雖進而斗之方位不移如此圖內輪雖轉而外之  
方位不動也所謂日還斗初者指方位而言也又曆家謂  
天左旋日月皆右轉蓋將此圖內輪左旋一周而後至牛  
又一周而後至女不若由右一轉至牛之為易故不計進  
數但從退數然未若天與日月皆左旋而有進退之為備  
爾或曰鄒氏書傳音釋纂圖日月正月會寅析木二月會  
卯大火三月會辰壽星以次而進是與月立合矣今予此  
圖以為正月會亥娵訾二月會戌降婁以次而右何也曰  
此本唐孔氏之說也天開於子地闢於丑然後日月星辰  
行焉是丑之星紀為子半冬至後天與日月初起之次歷  
三十日則天行漸差而進丑之星紀進於寅子之玄枵進

於丑而日月會于此者建丑十二月也又歷三十日則星紀進卯玄枵進寅而亥之娵訾進於丑月又會日者建寅正月也餘皆倣此以至九月則會于卯大火之房矣故經云季秋月朔辰不集于房若如纂圖則二月會房與經不合又況如是則天度右旋正月會寅析木之後二月卯之大火退於寅矣若曰日月隨天而進正月會寅二月會卯則日行與天無遲速進退之度日又將生於酉矣其不然審矣曰朱子嘗與學者論此以為且如天與日月皆從角起則日月之會當在角壽星之次今子以為從斗而起何也曰角者二十八宿之首故朱子姑借此為說使學者易知爾非其定論也觀其且如二字之意可見矣

# 一 暮生閏之圖

一 暮

歲有十月

月有三百

故三百卒

一歲之  
常數

天有三百六十五度  
有奇天行一日一周  
而過一度日行一日

日與天會三百六十五度故多五日  
一周而已在天不及  
一度故積三百六十五  
日有奇而與天會

月與日會三百五十四日有奇故少  
一年十二會一會各  
二十九日有奇九十  
二會得全日三百四  
十八餘分之積合得  
六日有奇通計得日  
三百五十四日有奇

於一歲常數三 星回于天並後四

百卒之數多 從天與日會生閏餘  
五日謂之氣盈 時定而歲功成焉

氣盈五日

合氣朔而閏生

一歲之  
閏十日

朔虛五日

於一歲常數三 月有虧盈而弦  
百卒之數少 從日與月會定晦朔  
五日謂之朔虛 望晦朔定焉

金氏曰氣盈而不置閏則晦朔弦望差朔虛而不置閏則  
春夏秋冬差

# 天 地 堅 者 之 圖



書蔡傳云天半出地上  
 半入地下其地上現者  
 百八十二度半強地  
 下亦然北極出地上三  
 十六度南極入地下亦  
 三十六度嵩高正當天  
 之中極南五十五度當  
 嵩之上又其南十二度  
 為夏至之日道又其南  
 二十四度為春秋分之  
 日道又其南二十四度  
 為冬至之日道南下去  
 地三十二度而已

天包地外地居天中天地之間自有六層故易六畫而成卦復姤陰陽消長皆至六位而極愚嘗以為地之上有三層為天其下有三層為地當以內卦為地外卦為天今而思之蓋不然也天半出地上半入地下則出地上見者有二層入地下者又有二層而地之居中者亦占三層當如中孚卦上下皆二陽爻而中含二爻之陰也故作豎看圖以示上下四層為天而中二層為地也或曰地之下又有天則所謂輕清者上而為天重濁者下而為地其說非歟曰重濁之下若無氣則是其重濁者有何物以承載之乎日月星辰又將何以行於下乎若曰重濁三層之下又有氣焉則天地非但六層而已但上下四方皆陽之動而獨其中間為靜故重濁者得以凝聚於中而成形爾朱子曰其形有涯其氣無窮肯哉言乎

# 天 地 橫 看 之 圖



夏至之日出艮入乾北近天中  
 正當地上天中高遠故日長當  
 地而近故氣熱冬至之日出巽  
 入坤南近天陸斜而遠地天陸  
 近故日短斜遠於地故氣寒春  
 秋分南北中故日之長短氣之  
 涼燠亦適中焉夫善言天者必  
 有徵於人自昔聖人分天為三  
 百六十五度定晷為三百六旬  
 六日之後置閏定時至於星辰  
 進退日月交蝕千歲一日可坐  
 而定豈非善言而有徵乎後世  
 言天不於此者考驗天象無  
 一可合其妄甚矣

學者問曰書蔡氏傳云冬至日道南下去地三十二度而已今予本之作豎者蓋則冬至日道去地最近今於橫者之圖以為冬至日道斜而遠地其說相為矛盾何也曰蔡傳所謂去地者主天之現於地外者言之也今吾所謂遠地者主人之居於地上者言之也天包地外其空濶遠上下四方彼此如一人居其中莫見涯渚天象下垂若與地接者遠而望之故也冬至之日極遠而南其去天之現於地外者才三十二度而已以其據遠而視故斜而低也是故日月正中當天則近而高朝夕斜則遠而低至如雲氣之浮山嶽之秀几所望見者莫不皆然近則高遠則低冬至之日斜而低者非其近於地也或曰夏之熱以火旺冬之寒以水旺豈條日之遠近乎夫日陽精也夏陽盛則日進而北近於天中故火旺而熱冬陰盛則日退而南遠於

地上故水旺而寒所謂火旺水旺者即以陰陽進退而言  
非有二也

# 望前生明之圖

東

望

月 十五日 日欲入  
月已出相望

五更落

明陽也

初三日

陽生浸

長而明

始生所

謂哉生

明也

魄陰也

陽生則

西

上弦



初昏

日方入  
月在此



初昏

日方入  
月在此



初昏

日方入  
月在此



初昏

日方入  
月在此



初昏

日方入  
月在此



初昏

日方入  
月在此



初昏

日方入  
月在此

三更落

四更落

二更落

初更落



初昏

日方入  
月在此



初昏

日方入  
月在此



初昏

日方入  
月在此

哉生明



初昏

日方入  
月明始生

旁死魄


日

初一日 日方入  
月在此

# 望後生魄之圖

東

西



陰消故  
朔日陽  
始生而  
謂之灰  
魄十六  
日既望  
而陰又  
生謂之  
生魄

日陽精其光如火月陰精其潔如水故月雖皎潔虛而無  
光不能自照必受日光而後明生焉其受日光而明有圓  
缺者隨其陽之消長也日月每三十日一會朔望之後皆  
十五日既會而朔則日月始離陽方生而微謂之朔者蘊  
而復生也至初三日然後陽浸長而明始生每一日長一  
分則陰漸退月遠於日而明生浸多至初七八日其明正  
半如弓之張謂之上弦至十五日陽長已極其明正滿日  
月正對於東西而相望謂之望既望則陰又生亦長一分  
則陰漸進月近於日而其明漸減至二十三、四僅存半明  
以就於缺如弓之弛謂之下弦至三十日陰生已極日月  
復會月光都盡是則月本無光受日之光隨陽消長以有  
盈缺也故朔後日在西則明生於西望後日在東則明存  
於東也或曰月非無光但近日則其光微故晦遠日則其

光盛故明非也如此則朔後日在西明當生於東望後日  
在東明當存於西矣其不然審矣

# 土圭測影之圖

日

夏至日方正午  
此四方測影之時

南明都



八尺之圭

日南影短

南日近故影短

西

昧谷



八尺圭

日西影朝而西即朝之影  
夏至之午影南斜

中洛邑



八尺之圭

日至之影尺有五寸南北短長之中

北幽都



八尺之圭

日北影長  
夏至之午影在北長

東暘谷




八尺之圭

日東影夕  
夏至之午影已微斜而東即夕之影

按周禮大司徒測影之法周公置五表測日影中表在潁川陽城地中近洛之地也去中表千里外四方各置一表長皆八尺凡正日影必以夏至日晝漏中而測之中表之影正在北而其長一尺五寸東表之影晝漏方中日方正午影已斜而在東已得夕影故曰影夕西表之影仍得朝時之影尚在表西故曰影朝南表之影只得一尺四寸北表之影一尺六寸蓋日影每千里差一寸故東表日方中而影已夕西表日方中而影尚朝北長而南短唯中表之影得其中正故謂之天地之中而况東多陽西多陰南多暑北多寒洛邑風雨之所會陰陽之所和也四方道里遠近均焉其為地中信矣或者乃謂西南塞外為地中者何所據乎

# 土旺四季之圖



五行之氣播於四時春木旺而氣燠夏火旺而氣熱秋金旺而氣涼冬水旺而氣寒土寄旺於四季而其氣冲和木火金水各旺七十二日而土於四季各旺十八日合之亦為七十二日也五行有以流行之序言者則曰木火土金水卑陶謨之五辰是也有以相克之序言者則曰水火金木土禹謨之六府是也有以生成之序言者則曰水火木金土洪範之初一是也

# 律呂隔八相生之圖

黃鍾之長九寸也三分之則各三寸者凡三損其一則為六寸下生林鍾自黃鍾至林鍾隔八而下生也



宮 黃鍾十二月

大呂十二月

商 大簇正月

夾鍾二月

損一隔八而下生


角 姑洗三月

仲呂四月

蕤賓五月

徵

林鍾之長六寸也三分之則各二寸者凡三益其一則為八寸上生大簇林鍾至大簇隔八



林鍾六月

夷則七月

南呂八月

無射九月

益一隔八而上生

羽

應鍾十月

其長最短短四寸有奇

黃鍾

大呂

大簇之長八寸也三分之則各二寸六分有奇者凡三損一則為五寸有奇下生南呂餘倣此



陽律三分其長損一分而生陰呂曰下生陰呂三分其長益一分而生陽律曰上生皆左旋隔八律而相生黃鍾為第一宮其長九寸隔八下生林鍾為徵其長六寸林鍾隔八上生大簇為商其長八寸惟此三律長皆全寸而無餘分其餘九律餘分參差而不齊大簇下生南呂為羽南呂上生姑洗為角林鍾為第二宮宮生徵徵生商商生羽羽生角以至仲呂為第十二宮上生黃鍾為徵下生林鍾為商上生大簇為羽下生南呂為角十二宮各有五聲其變凡六十聲宮徵商羽角者隔八相生之序也宮商角徵羽者聲之清濁長短之序也五聲六律十二管旋相為宮周而復始以盡其變也

學者問曰黃鍾之長九寸大呂以下律呂相間至應鍾而極焉應鍾之長寸四寸半而已今子之屬至林鍾而極自

夷則而下又漸差而上歷黃鍾而至大簇則是若林鍾最  
短而大呂大簇反在黃鍾之上何也曰古之圓呂縱橫旁  
午學者不能察其損益長短而上下之生也今為此圖但  
使學者曉然知其損一隔八而下生益一隔八而上生也  
故自林鍾漸差而上以至大簇非以林鍾最短而夷則以  
下又漸次而長也


# 五聲八音之圖



宮中也居中央暢四方唱始施生  
 為四聲之經君之象也其性圓其  
 聲若牛之鳴竅而主合△商章也  
 物成熟可章度也其性方其聲若  
 羊鳴群而主張臣之象也○角觸  
 也物觸而出戴芒角也其性直其  
 聲若雞木而主湧民之象也○徵  
 祉也物盛大而繁祉也其性明而  
 辨其聲若承駭而主分事之象也  
 ○羽宇也物聚藏而覆宇也其性  
 潤而澤其聲若鳥野而主吐物之  
 象也○金其卦兌其方西其風開  
 闔其聲春容其音鏗秋分之氣也

○石其卦乾其方西北其風不周  
其聲溫潤其音辨立冬之氣也○  
絲其卦离其方南其風景其聲纖  
微其音哀夏至之氣也○竹其卦  
震其方東其風明席其聲清越其  
音濫春分之氣也○匏其卦艮其  
方東北其風融其聲崇聚其音啾  
立春之氣也○土其卦坤其方西  
南其風涼其聲函朗其音濁立秋  
之氣也○草其卦坎其方北其風  
廣漠其聲豐大其音謹冬至之氣  
也○木其卦巽其方東南其風清  
明其聲無餘其音直立夏之氣也

# 周南篇次之圖



周南十一篇當分三節而看關雎正家之始葛覃卷耳樛  
木宜家之事勤於修婦職專於事君子仁於逮衆妾婦德  
備而家道正矣螽斯則子孫衆多而福慶及於後世家齊  
之極效也桃夭國理之始允宜國已理而賢才多也然關  
雎淑女但曰君子好逑而已中林武夫既曰公侯好逑又  
曰公侯腹心可見文王好德不好色之心為此詩者其知  
文王之心乎采芣苢之詩婦人賦其所事以歌之但自形容  
其胸中之樂而已無一字贊美之詞然亦可見文王之化  
如天之大舉一世在春風和氣之中所謂王者之民皞皞  
而不知為之者是則國理之極效也漢唐汝墳天下已可  
平理而麟之趾則王者之瑞應焉聖神功化之極無以復  
加矣觀其民則王者之民觀其瑞則王者之瑞天與之人  
歸之而猶三分天下以服事殷此其所以為至德也大學

言家國天下而以明德為首觀周南者要當以文王至德為本也召南篇次大槩與此相類但地有遠近而化有淺深故雖不若周南之盡善然昔不美而今化於善是皆文王風化之所及也

謹按朱傳周南之說以為其得之國中者雜以南國之詩而謂之周南其得之南國者直謂之召南者蓋謂漢廣汝墳之詩雖在於南國不待南國之貢而先得之國中故附於周南也劉氏通釋以為得於國中者多為文王后妃而作故雜以漢廣汝墳二詩則是似編詩者取南國所貢之詩而附之也然則朱傳當曰於得之國中者不應下其字也或曰朱子於周南之終又謂漢廣汝墳以南國之詩附焉似亦以為編詩者附之也是如何曰二詩雖得國中而南國之作

當附之南國所貢之中然隨其所得而附之國中者  
是亦編詩者附之也但非取南國所貢之中爾若是  
取於所貢何獨取此二詩乎其說亦不通矣

# 變風三十國之圖

正風

周南

變風

召南

邶

終始與周南相反而至於正故居變風之首

檜

鄘

亡而後復懲創思理變有可正之理

衛

王一忘親事雖威令不振而父子君臣之道廢

鄭一男女亂倫

齊一行同鳥獸

魏一晉滅同姓親親之義亡

唐一篡國賂王而上下之分亂

秦一用殉織良戎狄之俗作俑於中國

陳一宣淫殺諫以至於亡而變風終曹

國小民勞周公之聖

思理一幽一變而正一變而能正

亂極思理一變可復正


正風人道之得其正也變風人道之失其正也人道之正始於家而其化被於天下人道之變亦始於家而其終不能保其國家故正風首閟睢者所以基二南之美化也變風首邶之柏舟者亦舉其家道始變而反於閟睢者以見其終之無所不反也故讀柏舟綠衣諸篇則知賢婦不得宜家而與閟睢篇覃之正始相反矣讀燕燕則嬖尊殺嫡其與螽斯之子孫衆多和集而處者相反矣觀凱風芣苢之詩則形於國者與桃夭相反矣觀簡兮北門之詩則賢者不得志至有以政事投遺而莫知其艱則其與兔置野人公侯腹心者相反矣擊鼓北風等篇則人民怨思氣象愁慘其與采芣之和樂相反矣式微旄丘之詩則不能修方伯連帥之職况望及於天下乎其與化被漢廣汝墳相反矣及觀二子棄舟則父子兄弟至於相殘天理泯人道滅而至於禽獸終為狄所滅其與

振振麟趾為王者之瑞者相反矣故以是終焉始之不正而其終至於如是之慘聖人於是傷之甚著於變風之首以示正風之反使後世知戒焉垂訓之意深矣然聖人之心必欲使亡者復興變者復正也猶幸其國文公勤儉以復其國人民懲創興起善端刺其淫奔而蝟螻作惡其無禮而相鼠賦好賢樂善而干旄咏焉則天理之在人心者猶未泯而變有可正之幾矣故以鄘次之然猶未也必有大雅君子能聽規諫以禮自防如其國之先君武公然後庶可正也故又以衛之淇澳次之是猶檜曹思理之後繼以豳風之意蓋幸其亡之能復而言其變之可正也諸國之風其變雖甚終始未有若是之備故居王風之前而為變風之首也若夫邶鄘其詩皆為衛事猶繫以舊國之號者蓋亦因其所得之地而別之亦猶漢廣汝墳之附周南又所以傷其亡也王風降於列國

者歸令行於天下則為天子施於一國則是亦列國之君庸  
平王無志威令不振忘親事讎至為戍申戍許之舉具位之  
臣又未有陳枕戈之義興討罪之師者申侯母家舍曰不誅  
犬戎安得逃天討乎是則平王聞乎故矣父子君臣之倫於  
是喪焉安能為天下之共主乎孔子作春秋託始於隱刪詩  
降黍離於國風其志微矣其痛深矣然曰王而先諸國者尊  
之也鄭則無男女之倫齊則有鳥獸之行觀魏風則晉滅同  
姓親親之義亡而臣民離叛曲沃滅晉之端現矣觀唐風則  
篡國賂王倨慢無禮而上下之分紊魏斯趙籍韓虔之惡兆  
矣秦風則諸侯擅命殺人不忌用殉殲良而戎狄之俗在備  
於中國又况平王無志而秦穆悔過平王事讎而秦人復讎  
周日衰微而秦尚武勇周秦之勢既分而商鞅變法白起坑  
卒呂政稱制李斯焚坑而掃滅先王之典籍其禍萌矣陳風

則君臣宣淫賊殺諫臣身弑國亡夷狄入中國而寢風終矣  
嗚呼夫婦人倫之本朝廷風化之源柏舟變而衛國以滅黍  
離降而王室以微至於列國之風寢則人道之大壞天下之  
大變至於此極聖人傷之甚恨之深繼以檜曹小國亂極思  
理之詩又以周公之豳風終焉欲使寢者復正也非如周公  
之元聖孰能復正乎前於邶鄘繼之衛者以武公望一國也  
此於列國終之豳者以周公望天下也不唯此也風以周公  
終而雅以召公終之者昔周之初周公為政於國中而召公  
宣布於諸侯於是德化大茂於內而南方諸侯之國莫不從  
化若使如周公者為政則朝廷之風化美而寢風復正矣如  
召公者宣布則諸侯服從國之日蹙者可闢而大雅復正矣  
此又聖人以周召正風雅之寢也吾夫子刪詩之意憂天下  
與後世之心可想見矣

# 公族及太宗之圖



別子為祖繼別為宗者諸侯之嫡子為諸侯庶子不得祖  
諸侯而自謂始祖是為別子為祖別子之嫡子嫡孫主祭  
為太宗庶子庶孫為小宗

掛扐過揲之法

以五十之著虛一  
分二掛一揲四

三變之中前一變為奇其餘五九或五或九五九者五三而九一為五者三為九者

後二變為偶其餘四八或四或八四八皆二為四者二為八者二

前一變掛一揲四其餘扐數左或一或二或三或四右或三或二或一或四凡揲法以四除之故

以四為奇一掛扐四五為奇五去一為四八九為偶九去一為八

兩儀


圍  
陽  
左一右三與掛一合為五去一則為四以為一奇此為五者三  
左三右一與掛一合為五去一則為四以為一奇亦為奇者三  
左二右二與掛一合為五去一則為四以為一奇

徑  
一陰  
左右各四與掛一合為九去一則為八以為一偶此為九者一  
亦為偶者一


西山蔡氏所謂為奇曰三為偶者二是天三地二自然之數  
者其以偶為二與此不同何也非謂有二偶也以二四之奇

合為一八之偶是一偶即二奇之合也


後二變左或一或二或三或四  
右或二或一或四或三第二第三兩變皆同

陽  左一右二與掛一合為四為一奇  
左二右一與掛一合為四為一奇 此為四者二  
亦為陽者二

圍四用半


陰  左四右三與掛一合為八為一偶  
左三右四與掛一合為八為一偶 此為八者二  
亦為陰者二

### 四象

老陽 一初變得五去一為四二變三變皆得四為三奇為老陽  初十二  
揲三十六

初數為四者三合得十二即所謂三其四一其十二者也

過揲三十六即所謂九其四三其十二者也

少陰  初變得五去三變得四三變得八為二奇一偶少陰  
初變得五去三變得八三變得四為一奇一偶少陰  
初變得九去二變三變皆得四為一偶二奇少陰 初十六  
揲三十六

初數為四者二為八者一亦為四者四於老陽一其十二而  
又進一四合得十六即所謂四其四一十二而進一四也  
過揲三十二即所謂八其四三其十二而損一四者也

少陽

初變得五去一二變三變皆得八為一奇二偶為少陽  
初變得九去一二變得八三變得四為二偶一奇為少陽  
初變得九去一二變得四三變得八為二偶一奇為少陽

揲二十  
揲二十八

初數為四者一為八者二亦為四者五於老陰兩其十二而  
去一四合得二十即所謂五其四兩其十二而去一四也  
過揲二十八即所謂七其四兩其十二而進一四也

老陰

初變得九去一二變三變皆得八為三偶為老陰  
初變得九去一二變得八三變得四為二偶一奇為少陽  
初變得九去一二變得四三變得八為二偶一奇為少陽

初數為八者三為四者六合得二十四

過揲亦同即所謂六其四兩其十二者也

右老陽過揲九其四故其數為九

少陰過揲八其四故其數為八

少陽過揲七其四故其數為七

老陰過揲六其四故其數為六

四象之數去初取揲故邵子以為去三四五六以成六七

八九也

初數老陽三其四少陰四其四少陽五其四老陰六其

四是所去者也

蔡氏所謂老陽老陰之數本皆八合之得十六

小陽少陰之數本皆二十四合之得四十八

此以體數常均者言

以四歸于老陽故老陽之數十二即老陽初數為四者

三也餘四為老陰數

以四歸于少陰故少陽之數二十即少陽初數為四者

五也餘二十八為少陰之數

此以用數不同者言 老少二陽之數與初數同而  
二陰之數不同者猶畫書方位陽數不變而陰數變  
且陽尊故得正數而陰卑故得餘數也欽

易用老而不用少故六十四變所用者十六變十六變  
又以四約之陽用其三陰用其一

二老之數皆八合之十六

用此即六十四變也

二少之數皆二十四合之四十八

用

十六是為四者四陽用其三故老陽得十二陰用其  
一故老陰得四

體數常均者即春夏為陽秋冬為陰之類用數不  
同陽用其三陰用其一者即春夏秋皆生唯冬不  
生之類

道傳一日得掛初過揀之法反復參  
究莫知其說示可遠請講焉可遠  
解之為一小圖條分類釋如指諸  
掌雖以余之昏蒙一覽了然噫用  
友講論其有益於學也如此夫  
洪武戊寅夏五阮望三峯道人鄭  
道傳識

右入學圖說前後集

陽村先生之所著也其前集曾經

先生手校而刊之晉陽顧其歲久而字

已剝矣後集則

先生既歿而其本始出字又多缺惜哉

先生之子代言蹈喁慶尚道朴經歷融

刊行其監司李公叔節及今監司河公

演皆為致力焉俾前奉常注簿鄭陟書

之復毀梓于晉陽牧使李公穗判官潘

茂良監督功訖代言携以示予靳識其

後予嘗謂

天生陽村於吾東方學者之大幸也予之學於

先生甚久固知是圖之切於後學也深

矣敢不欣然書諸卷末也耶

洪熙乙巳秋七月壬申門人正憲大夫  
藝文館大提學集賢殿大提學知經筵  
同知春秋館事無成均大司成密山下  
李良敬跋

三峯先生心氣理三篇註序

心氣理三篇者三峯先生所作也先生常以明道學闢異端為已任其言曰人之生也受天地之理以為性而其所以成形者氣也合理與氣能神明者心也儒主乎理而治心氣本其一而養其二老主乎氣以養生為道釋主乎心以不動為宗各守其一而遺其二者也老欲無為不計事之是非而皆去之恐勞其身以蔽其氣也氣苟得養則精神凝定雖有所事而不害吾之生釋欲無念不論念之善惡而皆遣之恐勞其神以動其心也心苟得定則體常空寂雖有應變而不擾吾之中故其初

也皆有所不為而其終也皆無所不為也蓋當其  
有所不為也雖理之所當為者亦絕之當其無所  
不為也雖理之所不當為者亦為之是二家之學  
不陷於枯槁亦滅則必流於放肆縱恣其賊仁害  
義滅倫敗理得罪於聖門大中之教則一也若吾  
儒道則不然天命之性渾然一理而萬善咸備君  
子於此常存敬畏而必加省察萌於心者原於理  
則擴而充之生於欲則遏而絕之動於氣者自反  
而直則勇往為之不直則惴然而退養其心以存  
義理養其氣以配道義凡所思慮無非義理之當  
然凡所動作自無非僻之得于其心之靈管乎事

物之理其氣之大塞乎天地之間皆以義理爲之  
主而心與氣每聽命焉耳此儒者之道具於人倫  
日用之常行於天下萬世而無弊先生常以語學  
者也雖然義理之在人固爲甚大而心乃吾身之  
主氣亦吾身之所得以生者不得不重之也彼老  
釋竊明心養氣之說誑誘愚俗故人多樂聞而信  
從之徃徃知道者雖力言以闢之但斥其不合於  
吾道者而已故聞者猶未知其訛爲得失也唯先生  
明二氏之旨而後折以吾道之正故聞者莫不昭  
然發矇異端之徒亦有從而化之者矣此先生  
之大有功於名教者也於是又述其意作此三篇

以示學者其言心氣者皆用二氏之語以明其旨  
盡底其蘊奧而的言之且其語意渾然不見其有  
斥之之迹故雖使其徒觀之亦皆以為精切而悅  
服之也及以理形之然後吾道異端之偏正不待  
辯說而自明彼雖欲有言其將何以哉此先生闢  
二氏固非泛然論列者比又非大厲聲色極口詆  
毀者之比也抑或有人徒見其不斥也以為三教  
一致故先生作此以明其道之同耳則非知言者  
也故愚不揆鄙拙畧為註釋又引其端以所聞於  
先生者明之耳洪武甲戌夏陽村權近序

三峯先生心氣理篇

陽村權近註

心難氣難上聲○此篇主言釋氏修心之旨以非

氣以為一身神明之舍朱子所謂虛靈不昧以具

眾理而應萬事者也愚以為惟虛故具眾理惟靈

故應萬事非具眾理則其虛也漠然空無而已矣

其靈也紛然流注而巳矣雖曰應萬事而是非錯

亂豈是知有神明之舍哉故言心而不也

言理是知其舍而不知有其主也

凡所有相厥類紛總惟我最靈獨立其中凡所有相用金

我體寂然如鑑之空隨緣不變應化無窮心之

無朕而緣者心之靈而鏡之明也。本空而明無不照。蓋隨緣者心之靈而鏡之明也。本空而明無不金剛經所謂應無所住而生其心之意。蓋外邊雖有之。變動應此釋氏之內。則漢然無有。一合之動。此釋氏之學第一義也。

由爾四大假合成形。有目欲色。有耳欲聲。善惡亦

幻緣影以生。我我不得寧。爾指氣而言。四

所謂地木火風也。圓覺云。我與此身四大和合。又曰。六塵緣影為自心性。○此豕上章而言。心以成本有相。然已。但由爾四大之氣。假托而合。體成有相。然已。但由爾四大之氣。假托而合。欲聞善聲。鼻舌身意。亦出非有欲。慎則以之。攀緣外。逆則以善聲。鼻舌身意。亦出非有欲。慎則以之。攀緣外。境之影相。續而。生凡此。皆不得而寧靜也。然之。體紛擾錯亂。使我此。皆不得而寧靜也。

絕相離體。無念忘情。照而寂寂。默而惺惺。爾雖欲

動。豈翳吾明。金剛經曰。一切善惡。皆相皆是。虛妄。

後分言為無念忘情息安任性四宗此言修心功  
夫相言其形相體言其理體諸相非相所嘗絕

然而無有一念之動而常忘其起滅之情則妄緣  
既斷真惺惺蓋照而寂寂則非妄想也靜默而

內目惺惺蓋照而寂寂則非妄想也靜默而惺惺  
則非昏住也搖動於我豈能掩翳以累我本體

欲投間抵隙矣心我豈能掩翳以累我本體  
之明哉此章言修心

之要約而盡之矣心我豈能掩翳以累我本體  
氣難心此篇主言老氏養氣之法以陰陽五行故

化生萬物而人得之然後有生是氣言氣形而不言理  
必有形而上之理然後有生是氣言氣形而不言理

是知有本也  
不知有本也

子居遠古窈窕冥冥天真自然無得而名  
子居遠古窈窕冥冥天真自然無得而名  
子居遠古窈窕冥冥天真自然無得而名

也遠古上古也老子曰其精其真又曰先天道  
曰窈窕冥冥方其中精其真又曰先天道

道法自然又曰吾不知其名字之曰道老子之  
言皆指氣而言者也故此章本之以言氣居天

地。萬物之先窈冥恍惚自  
然而不可得而名言也

萬物之始資孰以生我疑我聚乃形乃精我若無

有心何獨靈

莊子曰人之生氣之聚也此又本之  
以言萬物之生其始也是資何物以

生或乎其所資以有生者非氣乎惟氣妙合而  
凝聚然後其形成而其精生氣若不聚則心雖  
至靈亦將何  
所附著乎

嗟甬有知衆禍之前思所不及慮所未成計利較

害憂辱慕榮冰寒火熱晝夜營營精日以搖神不

得完

嗟嘆息也甬指心也○此章言心所以害氣  
之事嘆息也甬指心也○此章言心所以害氣

由前也思其所不可及慮其未得成計其利  
而欲得之較其害而欲避之憂其辱而順陷焉  
慕其榮而僥倖焉畏則如水之寒怒則如火之  
熱千端萬緒交戰於育中晝夜之間營營不息  
使其精神日以搖蕩漸  
就消耗而不得完矣

我不妄動內斯靜專如木斯槁如灰不燃無慮無

為體道之全甫知雖鑒宣害吾天此言養氣之功

使如槁木曰道常無為而死無不為此章本此始

立言也○承上章言心之制其內亦有以靜定

其養而不一如木之槁心不復有春華之繁如灰之以

而復有一如火然之熾心無所思慮身無所營為以

不復有如火然之熾心無所思慮身無所營為以

體能害我自然之全哉此所謂道指氣而言也

亦慮無為之學最要全字

理諭心氣此篇主言非儒家義理之正以曉諭二

由而生氣之所

於穆厥理在天地先氣由我生心亦稟焉於嘆美

清之至也此理純粹至善本無所雜故嘆而美

之曰於穆我者理之自稱也前言心氣直稱我與

予而此標理字以嘆美之然後稱我者所以見之  
為公共之道其尊無對非如二氏各守所以見之  
偏而自然後有彼是我也○此言理為心氣之本原  
是理然陰之重濁者下而為地四時於是而流  
而為天於是而化生人於其間全得天地之理  
行萬物於地是而為性貴於萬物而與天地參焉  
亦全得理在人之氣以為性一天地之氣在天地  
天地則又無得理氣而生心亦稟之以宰也故理在  
天地之先而氣由是生心亦稟之以宰也故理在

有心無我利害之趨有氣無我血肉之軀蠢然以  
動禽獸同歸其與異者嗚呼幾希○然無知貝幾

知覺運動之蠢然者人與物同仁義禮智之粹  
然者人與物異○此言人之與物所以異於禽獸者  
以其有義理也○人而無義理則其運動者亦蠢然  
過情欲利害之私而已矣其禽獸何遠哉此儒者  
徒生而巳矣雖曰為人義理去禽獸之主也若夫  
所以存心養氣必以為義理為禽獸之主也若夫  
之學以清淨寡滅為尚雖曩倫之大礼樂之懿  
亦必欲屏除而滅絕之是與其山尸無欠與遂於

制利害者之親若不同矣然云不知為主天理之公以裁

自以知也且人之觀之欲釋氏甚必於生所惡生是甚於死

也老氏必欲求長生是貪生也非利害而何哉

又其中無義理之生則拷然無得冥然不知是

見彼匍匐惻隱其情儒者所以不怕念生孟子曰

隱之孺子將入於井皆有心惻隱之情本於吾心之惻

固有心以明釋氏無念忘情之失夫於吾心地生

孺子之心以入井其惻隱之心油然而勝用而四海之

遇推此心以擴充之則仁之心不可勝用而四天之

理發見之自故儒者不仁念慮之生但循其天

可。滅而巳哉  
死義重於身君子所以殺已成仁  
論語曰

人無求生以居仁有殺身以成仁此言君子重義  
輕生之事以明老氏養氣貪生之失蓋君子見得  
案理則當其可死也其重乎身故儒者當救君親之  
死生為重乎義理為重乎故儒者當救君親之  
難有捐軀隕命以赴之者非  
如老氏徒事修鍊以偷生也

聖遠千載學証言庖氣以為道心以為宗也○此

言異端之說所以不得熾者以聖人之世既遠而  
道學不明也故老氏不知氣本乎理而以氣為道  
釋不知理具於心而以上者為何物卒指形而為  
無上高妙而不知形而上者為何物卒指形而為  
下者而為言陷於淺近  
迺舛之中而不自知也

不義而壽龜蛇矣哉瞋然而坐土木形骸瞋然瞋然  
上二句責

老下二句責釋即前章有心無我有氣無我之言也  
意然前章泛言在衆人者此章專指二氏而言也

我存爾心瑩徹虛明我養爾氣浩然而生我善養

吾浩然之氣○此言聖賢內外交養之功以義  
理存心而涵養之則無物欲之害全體靈明而

大用不差矣。集義養氣而擴充之，則至大至剛之氣浩然，而自生充塞天地矣。本末無備，內外交養，此儒者之學所以為正而非若二氏之偏也。

先聖有訓道無二尊心乎氣乎敬受此言胡氏引

無二日月土無二王之言語以為道無二致欲道術之歸于一也。○此言上文所論皆本聖賢之遺訓而非我之私言。其特呼心氣以警之，其拳拳之可化也，故於其終特呼心氣以警之，其拳拳至開示之意矣。

心氣理三篇後附集序

道之不明，異端害之也。吾儒尚賴先哲之訓以知

異端之蔽，而往往有不能固守其道者，亦怵於功

利之私而已。故高不溺於空虛，則卑必流於污賤

此道之所以常不明不行，而異端之徒亦指以為

卑近而斥之也。且其善惡報應之效亦參差不  
齊。故善者以怠惡者以肆而舉世之人貿貿然淪  
胥於利害之中而不知義理為何物。釋氏之徒又  
得售其目緣之說而人愈惑焉。嗚呼。道之不明也  
久矣。欲人之無惑也難矣。三峰先生嘗有言曰。辨  
老佛邪遁之害以開百世聾瞶之惑。折時俗功利  
之說以歸夫道誼之正。其心氣理三篇論吾道異  
端之偏正殆無餘蘊。愚已訓釋其意矣。先生又嘗  
任心問天。答二篇發明天人善惡報應遲速之理  
而勉人以守正其言極為精切。使怵於功利者觀  
之可以祛其惑而藥其病矣。故又加訓釋以附二

篇之後夫闢異端然後可以明吾道去功利然後  
可以行吾道此先生之作所以關於世教為甚重  
而吾今日編次之意也觀者幸毋忽甲戌夏六月

陽村權近序

心問

此篇述心問天之公或為物歎所勝而

善惡之報亦有顛倒善或得禍而惡乃得福福  
善禍淫之理有兩不明故世之人不知從善而  
去惡唯務趨於功利而已此人之所以上帝而  
惑於天者也故托於心之主宰以問上帝而質之

乙卯季冬

幾望之夕天淨月明群動就息

季冬涸陰  
洹寒

之極而春陽欲生之時幾望月光漸滿而其明  
復圓之日以譬人欲昏蔽之中而天理之復萌  
也天淨月明群動就息以外譬人欲淨盡天理流  
行方寸之間瑩徹光明而外物不能以動其中  
也

若有一物朝于上清立于玉帝之庭稱心而告曰

臣受帝命為人之靈所居也玉帝即上帝清上帝重

之靈者心也稱臣者心之上帝所稱也臣受帝命為人之

主宰而最靈於萬物也○此章設言吾心主宰

之靈朝而見上帝之庭稱臣而問之也然其曰朝

者豈別有一物為帝而又有理一物即在天之理在

寸之理間私欲淨盡則吾心之理昭合而無間

者也其理即吾心之理昭合而無間

人有耳目欲色欲聲動靜語默手執足行凡所以

為臣之病者日與臣爭此章言物欲害吾心之天

盈於天地之間者皆物也日與人莫不欲聲至於四肢而

人之有目莫不安欲色有耳莫不欲聲至於四肢而

百骸莫不微安欲色有耳莫不欲聲至於四肢而

天而端甚微人欲雖生理於物我相形之湊而

其發難制是其危日用云為順理為難而從欲為

易書曰人心惟危道心惟微

此身不能一日離物而獨立小有不謹則凡外  
物之害此心者授間抵隙攻之甚衆矣天理  
之所以病也

志吾之帥氣吾徒卒皆不堅守棄臣從敵以臣之

微孤立單薄志者心之所志氣之帥也氣體之充也

註曰志固心之所為志之而氣之將帥氣亦人之所  
以充滿於身而為志之卒徒也心為天君以志

統氣而制物欲猶人之君之帥氣吾徒卒然志苟不  
禦敵人也故曰志吾之君之帥氣吾徒卒然志苟不

定則為帥欲得其氣之為理不能以勝私矣故其  
志之為帥與其氣之為徒卒者皆不能堅守其

正一反身之主宰而從物欲故吾之此心唯  
曰一身之主卒至孤立單弱而薄劣也

誠敬為甲冑義勇為矛戟奉辭執言且戰且服順

我者善有我者惡賢智者從愚不肖逆因敗成功

幾失後獲甲冑此承上衛身之具矛戟所以制敵之

敬為甲冑而欲之攻雖甚卑弱而薄者固志不可誠  
欲矣義勇為予戰而自衛則所以奉帝之命使  
知理之不可違聲彼之罪使之知欲之不可從強  
者戰而勝之弱降而服之其順我命者合乎  
理而為善其背我命者悖乎義而為惡不知善而  
平從我則益勉此心終不泯滅故更自策礪終於  
覆沒然以此心之理終不泯滅故更自策礪終於  
有及其成功一也

及至其報事多反復背者壽考順者夭折從者貧  
窮逆者富達故世之人尤臣之為不從臣命惟敵之

隨

報謂善惡之應效也人有所為而天報之也  
尤咎責也人為善則天報之以福為惡則天

報則君以禍猶人臣有戰功則君賞之以爵祿敗  
績則君以刑戮此理之常也今心奉上帝  
之命與物欲之敵相戰敵不能勝惟心之命順  
從則是為有功於天也宜富貴壽考以之命順

之福而反至貧窮受夭折敵既勝之背逆此心之  
命宜貧賤夭折以受為折惡之禍而反富貴壽考  
天之報應反復非戾如義理之命人所為寧從彼  
敵利害之誘不徒其主義故人之命之所為寧以不  
能無惑也故下文  
呼天而問之也

惟皇上帝宗主下民始終何乖與奪仍偏臣雖鄙

愚竊有感焉皇曰大也尊之上帝宗位乎上帝而  
之曰大哉上之辭○此呼上帝而  
之人福善禍淫此其理之性是常也始者賦命之性而初

必與人福善仁義禮智之性是欲使人循是性而初  
為善也至其終而報應之乖戾耶彼善惡之效而覆  
如此是何始終所舍之乖戾耶彼善惡之效而覆

壽考富達者天何所愛而厚之此順且從而得  
夭折貧賤者天何所憎而薄之欺是其一與一得

奪又何偏而不合如感於斯也臣  
雖甚鄙愚而不容有憾於斯也臣

天答而此篇述天答人心之辭天能以理賦子於人  
道以傷天地之和故天即理也人有不得其理者

景豈天常也哉天即理也人有不得其理者

景豈天常也哉天即理也人有不得其理者

景豈天常也哉天即理也人有不得其理者

事者無為而後用事無為者靜故其正氣之常用  
然也是其氣數之時有變雖有能勝其理之常者然此  
特天之未定之理必得其常而氣亦  
其久而正福善禍淫之理豈或泯哉  
隨之以正福善禍淫之理豈或泯哉

帝曰噫嘻予命汝聽予賦汝德在物最靈與吾並

立得三才名予帝也汝指心噫嘻嘆息也予上帝之自

○性此天之設命而人帝之所得者也三才天地人也  
命惟汝人心其聽之哉予既賦汝以健順五  
之理而汝得之以為德方寸之間靈不昧  
與我與地并立而得稱三才之靈矣  
能

又當日用之間洋洋焉開道引迪使爾不昧其所

適予所以德汝者非一汝不是思或自棄絕洋洋

用之滿之意爾亦指心而言○此承上言人倫日  
之莫非天命之流行發見如在我又當

親之在君臣莫不各當敬以行至一事一物之微動  
靜之際莫不各當敬以行至一事一物之微動  
缺是孰使之趨善而避惡皆以上帝所賦於其適從也斯  
民使之上帝不以是而致思乃或者非善從惡以自棄  
而爾曾不以是而致思乃或者非善從惡以自棄  
也絕之

風雨寒暑吾氣也日月吾目也汝一有所失吾之

氣亦戾吾之目掩食汝之病我者亦極矣何不自

反而遽吾責歟為天之上帝日月為天之眼而人者

天地之心也故人之所為一月有一小失其正則天

之風雨寒暑必至於非戾日月必至於掩食是

人本同一以病乎天地之心者亦可謂極矣蓋天地正人

由人事順則有天地之氣亦人事得則天地之氣順其常

事失則灾祥反其正何不一以責望反乎

修亦失則灾祥反其正何不一以責望反乎

且吾之大能復而不能載能生而不能成寒暑

災祥猶有憾於人情吾如彼何哉汝守其正以待

吾定所且夫天生而體至大能無所不覆而能載主生地

主成天地固有所不能成天職覆地職載天主生地

寒降災降祥不得其正者此人情所當暑而有憾

於天地也蓋天而地之勝其萬物之無心而化成人能施

其理之自天然而地之勝其萬物之無心而化成人能施

之所為雖上天當固守其理哉言正以待其所容心以為

已所謂天天壽不貳修身以天誨人之是也申包胥月

人象勝天之勝天定亦能勝人天誨人之是也申包胥月

勝然人天之勝天定亦能勝人天誨人之是也申包胥月

三峯先生心氣理篇終

嘉靖丁未春監司安相公

珙

巡到弊鄉榮川部令

以散人謁見叙寒暄相公曰少時見陽村先生所

著八學圖說前後集末附鄭三峰心氣理篇其天

人心性之說庸學語孟之肯六經體用之分河洛

易範之理以至聲律之度揅著之慶元初學疑碍而

難通者悉皆爬梳剔抉深蹟鉤深若圖若說如指

諸掌不一而足無規、蹈襲古人已成之規範有

了、開發後學未達之關鍵按圖考說此次條理

瞭然心下如親面而命之如提耳而教之誠學性

理者之指南也思欲藏之于白雲洞書院以資講

習不晉易舊版沒滅久不印出浪新本缺

後集與三峯附編皆二得藏全完為可也余有  
宋藏晉陽印本一帙見相公欲嘉惠後學之盛意  
不敢靳出而見之則相公曰世之學者不喜講  
明性理之源故此書之傳幾乎失墜今欲藏此于  
院以討習一院諸儒不若鏤此于板以流布一國  
之為廣也乃囑主倅琴侯椅繡之于梓侯乃斯文  
老擘也聞而喜之俾生負琴君軸考証批謫并畫  
目錄以付卷端閱數月而功斷手侯曰監司以跋  
語屬君不可辭遂書其刊之顛末云是歲月  
旅筵賓端午後日奉列大夫前守承文院叅校檣  
山後學黃孝恭再拜謹書

嘉靖丁未  
季冬重校

刻手

金稚

監督

朴連金

成司生

金滉

成生

負承健

成均生 負琴軸

奉列大夫前守承文院叅校黃孝恭

通訓大夫行榮川郡守安東鎮管兵馬同僉節制使兼大館編修官琴椅

朝散大夫行慶尚道都事鄭浚

漢書大夫慶尚道觀察使兼兵馬水軍節度使仁虎臣



